

劉槎翁先生詩選卷之六

七言律

送李敬之赴廣西帥府

帥府西開控百蠻  
故人捧檄上遙關  
春田桂海雲垂地  
夜入榆溪月滿山  
客路獨行青嶂外  
人家多在白雲間  
南征定有詩千首  
憑寄秋來驛使還

七月十一日夜宿蓼洲

衆星撒沙爛欲墮  
北斗西掛獨分明  
征帆暗落水邊驛  
更柝靜鳴江上城  
風低岬草露螢急  
月出浦林沙鳥驚  
羈棲復此當深夜  
漂泊誰能斷此生

至正三年十月寓萬安縣觀迎 大赦恩詔  
清朝祀事崇三禮絕域衣冠走百蠻  
鹵簿曉移通紫禁  
削韶春奏下彤關  
爐烟欲動螭頭暗  
旗影斜開豹尾閒  
自是郊壇敦漢典  
誰論玉檢上秦山

題畫松

巫峽荆門不可尋  
坐憐孤嶂動雲林  
夜寒或與蛟龍鬪  
秋暝應聞虎豹吟  
千歲茯苓山下老  
一時絲蔓雨中深  
野橋寂寞雲根冷  
最憶停驂弄晚陰

送王石泉之金陵

金陵千古帝王州  
送尔東南萬里遊  
賣藥有時來海

市燒丹何處覓神丘  
鍾山日落迴龍虎  
淮水天清入斗牛  
石底黃精能駐景  
重來短鏡定相求

題快閣

快閣西南引興長  
高城落日晚蒼涼  
江通牛吼疑巴峽  
山入龍門似太行  
季子敝裘終相國  
長卿駟馬未還鄉  
登臨日對芳樽酒  
莫遣秋風近綠楊

寄萬德躬

日暮山風吹女蘿  
故人舟楫定如何  
呂仙祠下寒砧急  
帝子閣前秋水多  
閩海風塵鳴戍鼓  
江湖烟雨暗漁蓑  
何時醉把黃花酒  
聽尔南征長短歌

送周德剛歸九江并東其兄仲常

君家伯仲才名盛賤子東南道路窮  
往昔永懷千里別祗今謾想一尊同  
蒼葭水驛青鳧雨落木山城白鴈風  
歲晏林居定相憶九江消息若為通

承家兄自石城南歸消息述賦一首

出嶺喜離豺虎群下灘驚觸怒龍鬣  
浪拋飛雪船頭見石挾奔霆拖底聞  
心折已迷前日路神消徒望故山雲  
舟人相吊還相賀南上征帆半是軍

秋林圖題贈曠伯達

迴風蕭々吹北林行雲冉冉生夕陰  
天寒鴈去洲渚

淨秋兩龍吟波浪深飄泊共憐今日興  
畫圖因見古人心幾時螺子青楓下深  
結茅堂更遠尋

次韻一首奉寄孟浩彥弘二友

縣比諸峰秀不群橋南二水劃中分  
寒星夜動蛟龍窟斜日春明翡翠文  
照眼溪花渾爛熳呼名山鳥自殷勤  
長懷吊古空多感荒草離々太史墳  
吳時太史慈之墓

對雨有賦東蕭箎

梔子經年未着花飄々風雨到山家  
當樓烟薄鎖不斷隔竹風高吹更斜  
村巷門深低宿草石窠盆小漲微沙  
下帷不出愁泥潦江上何人駐小車

寄范實夫

細雨柴門生遠愁  
向來詩帙若為酬  
林花落處頻中  
酒海燕飛時獨倚  
樓北郭晚晴山更遠  
南塘春盡水  
爭流可能相別還  
相憶莫遣楊花咲白頭

寄贈馬良卿歸九江

尚憶臨仙琪樹秋  
故人經歲獨淹留  
千峰雨色侵林  
屋十里灘聲繞縣樓  
王粲早應懷北返  
馬卿未必困南遊  
江亭楊柳青如染  
誰遣朝來重別愁

次韻奉寄孟浩彥弘

幽人共愛溪邊住  
舍北舍南春水聲  
開徑不嫌時獨

往到城應許日同行  
亂雲長共青山黑  
白鳥偏依綠樹明  
無限客愁誰斷送  
携壺長擬就君傾  
舒君彥許送菊未至

故人許送南園菊  
可趁重陽十日開  
謾擬客愁能暫醒  
豈緣秋雨故遲來  
山含霧氣通書幌  
雲湧川光落酒盃  
寂寞西齋林下路  
新詩惆悵為君裁

贈黃近賢自宜春過青原上贛州訪周錄事

京國曾為萬里遊  
祗將書劔謁王侯  
天門曉氣瞻龍  
虎銀漢秋槎近  
斗牛賈傅才華終  
濟世庾郎詞賦獨  
驚秋斷腸異縣風  
烟晚亂石孤帆入贛州

即遣北風吹上灘且令飛雪壓田澗沙頭走馬醒午  
醉石裏買魚供曉餐傳籤亭長迎水鷁擊槳巴童歌  
木蘭故人青眼望吾子晏歲莫辭行路難

題曾氏筠西小隱

城西亭子筠竹幽竹光草色淨人愁一簾山雨當白  
晝五月水風吹早秋欵段行穿楊柳迳鷓鴣啼近木  
蘭舟青原南望隔烟霧令我日夕懷林立

五月十日雨讌集周氏亭子適溪水暴至不得  
歸因留夜宴樂甚後數日叔用將之豫章次韻  
贈荅且以識感也

楊柳河橋維客舟送君此去憶重遊青霄雙闕連雲  
起五月滄江帶雪流嶺外簡書前日至湘南兵革幾  
時收羈懷早已無聊賴憑寄新詩過石頭

寄曠伯達

豫章市南風日清樓陰轆轤俯層城孔融意氣偏多  
客司馬文章豈近名候鴈不來天正遠鮒魚欲上雨  
初晴無因夜醉湖堤酒不放芳樽卧月明

晚興

高館沉疋當翠微晚涼幽興莫相違亂螢出草光不  
定獨鳥度溪風乍稀北港泉聲喧野碓東家月色淨

柴扉遙憐兒女當窓小憶我經年行未歸

聞贛江泛溢衝決金魚寺有懷敝廬感賦

五月水生牛口磯客子獨伶行未歸蕩決已聞衝野  
寺漂流故恐失柴扉魚蝦小市舟航集雞犬深林烟  
火稀且可登樓避泥潦無由縮地問庭闈

棲霞觀

青湖嶺下入棲霞縹緲玉清仙子家宮殿春移九芝  
蓋雲烟晝下五華車冥上古栢含溪雨短上青蒲隱  
听沙藥曰丹瓢那可問高原殘日散桑麻

寄贈盱江郡教劉公稷

十年不見劉文學白髮新來幾許長官舍曉晴槐葉  
暗泮林春雨杏花香聽泉定過麻姑洞看月還尋華  
子岡山屐酒壺從倒載昔賢高詠故難忘

秋夕

月出烏啼城上臺上梧竹淨塵埃涼風夜發星辰  
動白露秋垂河漢迴在戶莎雞終夕聽隨陽鴻鴈幾  
時來絳衣八月南鄰曲判對寒燈送酒盃

憶鄧子益

城北高樓子所居百年文物此何如清秋對酒看題  
畫細雨升堂聞讀書短褐猶勞慈母線開門偏枉故

蘇林翁先生詩選

卷之六

五

人車臨風玉樹何時倚悵望南天白鴈初

贈別屈悠然歸豫章二首

雲松軒館淨林扉十日尋幽且未歸坐對清秋桑落  
酒行寒高樹薜蘿衣石欄度曲涼風動竹屋吹燈夕  
漏稀自是使君能好客故人何事苦相違

山堆鷄鳴出翠烟蒼匕北斗縣樓邊一年為客歲將  
暮此日別君誰可憐數里楓林過驛路誰家橘柚照  
歸舡綠衣蓉褥者多喜坐想江雲亂管絃

承瑞州萬戶劉公衡移鎮寧都道出南平枉顧  
敝廬以故人書問邀致其塾賦贈一首

將軍出鎮上虔州江閣喧傳駐綵舟陋巷已煩紆轡  
入不才敢辱致書求花邊玉節明銅虎戶外金鞍簇  
紫騮勿訝承平勞遠戍極知文雅足懷柔

登鬱孤臺

石面層灘似虎牢盤渦東峽見周遭背城二水合流  
遠隔岼五峰相對高神闕紫烟棲鶴雀浮梁白日偃  
鯨鰲來遊最愛西洲上千樹東風散碧桃

謁古石固祠因觀宋高宗御賜遺物

亂山盤東五龍堆萬木蕭森一迳開白澗灘聲兼地  
動空峒雲氣度江來柘袍鸞鳳輝寒日寶帶山河拱

上台古廟丹青猶赫奕百年遺物使人哀

由會昌江口分路之寧都賦別五弟

湘水梅州此路分東風杳杳惜離群扁舟逆上幾時  
到獨鴈哀鳴何處聞積雨已生三峽浪亂山仍隔萬  
重雲眼前飄泊誰能柰猶恐親庭念遠勤

青山黃葉幾時歸南上獨吟音信稀老大庭闈終在  
念艱難弟妹且相依荒涼野日行人淚縹緲山風遊  
子衣力學承家應賴汝暫時分手莫相違

題山水畫

山岡盤亘多樹林江水湛湛愁人心赤雲樓觀落日

外白石溪澗長松陰啼猿虛疑近翠壁飛鳥劃恐迴  
高岑野亭春色苦無賴忽憶故人思遠尋

春日奉次羅肇簡鄭同夫

不見故人心惘然也應無賴枕書眠閑尋碧草日又  
暮落盡桃花春可憐雲隔雙峰歸鴈後水生三峽亂  
帆前客懷慰藉思傾倒衝雨能來白馬韉

齋前隙地列三石峰因植叢竹其下小雨隱映  
可愛

南園舊竹困支離移過墻陰雨更宜落出群者兩  
箇蕭蕭交翠待千枝荒苔古石清閑地細草虛庭隱



映時一月須抽千尺幹便栽新綠與題詩

贈墨客陳東谷

金精東谷子所住製墨遠繼高人蹤  
清秋落杵驚白兔暗室燒燈騰紫龍  
寒石倚天雲氣重涼風吹月露華濃  
青山只合栽桐子空老岩前萬箇松

火港長老聞公遊金精將歸珠林三德院有懷

先廬因別感賦一首

已從雲刹習安禪又向金精禮洞天  
三峽波濤晴雪後千崖烟霧落花前  
杖頭解虎青宵坐鉢底降龍白晝眠  
東下雩陽二百里綠蘿頻繫出灘舡

再陪劉守帥許同知勞經歷遊金精山

石壁前頭紫霧開凌空百尺見瓊臺  
不緣環珮乘雲去猶想旌旂入洞來  
山崦重匕春樹直風湍隱匕暮猿哀  
千年遺跡從誰詰自折巖花送酒盃

題連子琦澹如齋

澹如扁刻照齋居舊是豐城學士書  
京國早聞辭厚祿侯門不見曳長裾  
晴烟薜荔青山下秋水芙蓉白露初  
愧殺驅馳車馬客白頭無夢到田廬

南山寺夜憇東鄭同夫羅孟文

南山寺前夏已涼北斗天半夜相將  
樓臺參錯臨高

感懷四首寄李子种鄧子益

異縣南歸憶舊年  
瀟灑風雨楚江舡  
相看一別成愁絕  
可待重逢已惘然  
巴蜀偶依嚴武去  
成都未報長卿還  
川途日有經行便  
何事音書不漫傳  
鄧郎心性蚤聰明  
李子才華更老成  
應着綠衣奉慈

毋還看鴻鴈憶難兄  
遺書獨抱誰相問  
佳句新題人盡驚  
自合騫騰齊遠譽  
敢將憔悴托高情  
將軍屯戍落秋風  
客子離思逐暮鴻  
書劔遠投烟瘴外  
鼓笳淒斷月明中  
野猿引子溪藤綠  
山麝眠香石竹紅  
涼氣蕭森盤兩峽  
直愁華露墮高楓  
繡谷峰前濯冷泉  
金精洞口望飛仙  
東南奔走祇自厭  
歲月飄零誰與怜  
風細柳營秋瑟日  
高花館露娟  
短衣荷鍤應吾事  
擬向鄰村種秫田

寄韓希說

磊落盱江韓掾史  
十年不調滯江城  
登山短屐自意

遠近水小樓偏眼明梧桐深巷圍金井楊柳小窓調  
玉笙且可林泉投野逸莫持文采動公卿

奉和劉侯對月一首

深沉鼓角動重關迢遞星河隱暮山卧匣寶刀鷗尾  
白懸門弓韋虎文班石林寒落鞞鷹急原草秋肥廐  
馬閑忽憶海天南討日月中飛箭下黎蠻

至谷口亭下聞伯友久候不至復歸山中矣再

賦

兩岸參差當赤燠走馬直度千溪雲入門不見趙公  
子過峽還同鄭廣文桃林地湧金銀氣仙掌霞明錦

繡文鍊鑱高攀定何處玉簫疑向夜深聞

夜宿金精分韻得洞字

枅櫂蕭瑟霧寒重複閣盤虛翼丹鳳道士初歸獅子  
岑遊人夜宿陽靈洞岩腰水落潛龍起谷口月上啼  
鳥動醉眼當歌祗自怜明朝出峽誰能送

贈戴武子

曾騎官馬下青雲又駕仙鸞戲紫氛朝客恣稱竒道  
士野人猶識舊將軍城門賣卜時相見石室談玄世  
罕聞中夜起瞻華盖近五雲何處是奎文

秋日燕集鄭廣文呈趙伯友

高誼清名夙所聞，亂山深處一逢君。  
寒莎蟋蟀謾相語，碧梧鳳凰終不群。  
南浦他年書共寄，西城此夜席頻分。  
相逢更有關情甚，又擬河橋別廣文。

會劉誠本寄畫

故人昔別能相憶，遠寄新城水墨圖。  
木葉盡含春雨潤，石根猶帶晚雲孤。  
啼猿遠過盤陀嶺，歸鴈忽沉彭蠡湖。  
已辦鵝溪玉色絹，南歸問子寫蓬壺。

題引翠樓東張元善

盡道樓居思不群，滿樓山色翠紛紛。  
高岷斜日含丹霧，碧嶂清秋起暮雲。  
江上捲簾通雨氣，月中看劍動

星文來遊定覓張公子，載酒題詩過夜分。

張仲良燕餞鄭子素于黃竹迳之梵閣時天氣  
暖甚桃花盛開後四日為重九矣得携字

行客繫舡黃竹西江晴石出少沙泥背岷木子寒初  
落近水桃花暖欲迷何日登樓思共倚清秋載酒惜  
分携接離倒着從人咲直過南街散馬蹄

賦曾氏蕙花

聞說新安處士家，蕭蕭蘭蕙照晴沙。  
翠交庭戶三千本，玉立風霜一萬花。  
帝子帶縑承白露，仙人旌旆散晴霞。  
為君細讀靈均賦，安得携壺載小車。

孫景武從趙伯友先生遊寧都茲歸省豫章詩  
以贈之併柬知己者

豫章城頭山色青淡烟踈雨晝冥  
謾懷把酒當飛閣誰與題詩上翠屏雲外仙人無舊宅湖邊高士有新亭故交相見應相問為說漂流愧轉萍

贈董宗文歸省樂安

董生讀書赤嶺西尋常閉戶足幽棲雲中沙雁驚寒落江上野禽愁暝啼為養何由沾祿秩旅遊終自愧塗泥老翁望子行不至日看雲携杖藜

贈魏伯諒歸豫章

十月清霜逐鴈飛旅遊空復嘆多違野林寒色催黃落石屋秋陰近翠微聚散恣憐今日異登臨徒感故人稀將軍宴客偏愁別更換歌辭看舞衣

送吳德茂歸崇仁

黃州橋西子所家春來楊柳滿汀沙幾時載酒出東郭到處看山行小車解柱仙人九節杖去覓安期五色瓜雲中華蓋可攬結遲子歸來食夕霞

送詹守仁歸樂安

感子抱書還故丘丁巳伐木念相求不愁此別當炎夏即恐重逢是異州絕澗雨深垂緞屨亂山日落叫

盤桓公先生詩選 卷之六 十三  
鈎輶南歸定足三冬學聽尔鳴鞭賦遠遊

贈慧上人

仙槎江口槎溪寺幾度停舟訪未能頗恨頻年為遠  
客喜從異郡識高僧雲霞色動禪房袖星月光涵古  
殿燈何日却飛真錫返故山蒼木翳寒藤

送董國賢歸樂安

董家伯仲揔明經仲也蕭閒似管寧暇日過從南北  
巷窮年送餞短長亭金精橘子霜前赤華蓋芙蓉雨  
後青此地愴然成一別沉浮江海信流萍

贈畫師楊德洪

楊生家住金精下慣寫金精雲霧圖樵子行邊林木  
暗女仙飛處石壇孤生縑亂雪看頻染白壁橫秋莫  
謾沽瘦我未應吟解苦也煩貌得置岩區

題李志謙書舍

温家亭子三江口坐對東風兔子寮錦石白沙寒歷  
歷碧雲紅樹晚蕭蕭簾虛易覺天光切衣潤常疑霧  
氣飄賴有石門支遁在題詩長日出溪橋

過度門寺訪隱上人

度門寺前溪最幽亦有群木依崇丘時時清磬落雲  
鴈箇箇輕舟並水鷗已公茅屋真堪賦李子郭田那

可求眼前即恐易為別安得杖藜時一遊

題唐氏蒼然亭

蒼然之亭湖水西青松萬箇與雲齊秋聲慘淡霧雨  
集夜氣蕭森星斗低野人問字每載酒老翁哦詩還  
杖藜南歸感子不盡意上有慈烏終夕啼

送慧上人之九頓嶺

九頓頓頭愁夕曛高人南去禮寒雲白牛露地祇自  
見玄鶴出林終不群神錫行空風瑟瑟鉢衣掛樹月  
紛紛松崖捻是經行路出定哀猿何處聞

奉次王子啓寄叙春初別時事

憶在城南春可憐湖山長近別愁邊扣門驚見漏將  
夕把炬送行江滿烟遽喜春深傳秀句能忘歲晏接  
歸舡向來風雨河橋路腸斷楊花白似綿

送喻仲淵歸省東吳

明秀樓前雨滿沙石榴花發客思家水通赤岸西流  
淺路入青山北向斜歸省可能忘夏清傳經還解惜  
年華尋幽若過雙溪去為覓秋風舊釣槎

劉元善彈琴詩

元善真定人嘗游臨川為虞學士彈琴於天  
藻亭中學士為賦詩贈之故云

劉差...詩選...卷之六

十四

憶爾彈琴天藻亭秋風颯々近帷屏仙人飛珮去不  
遠學士杖藜來細聽蘭葉臨池驚墜露松枝出石帶  
流星只今遺意誰能賦猶想釣天奏洞庭

贈劉元善

故人東去維揚日學士親題送別詩一代風流嗟已  
矣十年漂泊更何之久傳大府承簪筆猶滯滄江理  
釣絲寂寞舊遊臨汝曲秋風鷗鷺起遐思

送胡明初自西礪歸省柳山

秋雨蕭々度翠微西南無數白雲飛極知衣綵趨庭  
樂况是從師學道歸江浦星沉雞叫早石林霜遠鴈

來稀送君不盡丘園思獨倚城樓看落暉

送何天碧歸龍虎山

道人九月江東去二十四岩烟霧深落日橫峰看鴈  
度清霜碧樹聽猿吟山中紫木堪為酒竈底丹砂可  
化金淮海風塵愁復別重尋還許托雲林

舟次樵墩憶故人鄭同夫

浦口維舟日欲晡柳村桑塢帶縈紆獨尋古道黃埃  
滿忽憶故人秋興孤螺蚌儘供溪女拾鷄豚偏稱野  
人呼西山隔水青如玉誰與題詩送酒壺

奉同曠伯遠周叔用徐仲孺登秋屏閣是日聞



淮郡有警風沙黯然賦呈萬德躬孫伯虞諸君子

古刹蕭條隱石根荒城高下帶沙墩斷雲南鴈日初出曠野北風天正昏羽檄屢傳淮甸急龍艘猶滯海門屯湖山不盡登臨興回首鄉園獨慘魂

遊觀山寺和王子啓

高城北岩石塘西千丈青山佛屋齊龍峽橫開蒼玉潤蛙泉深注白虹低晚烟鍾動花間出細雨詩成竹上題見說溪邊古松樹春深長是鶴來棲

羅巡檢一中由袁府告糴于贛道阻留西昌久

之將歸袁州詩以為別

快閣西偏寺最幽江風渚月淨如秋竹間久掛將軍劔柳外初回使者舟痛哭秦庭驚晏歲獨持漢節望南州日斜戍鼓連山急杳々冥鴻慎所投

次頃可臣感懷

玉華峰下碧溪流曾向南城賞素秋明月遠從湘右出好山如在越中遊傷心喪亂雲千變過眼韶華水一漚此日飄零豺虎外為君愁倚仲宣樓

匡山岩中奉和梅南劉府推韻呈公望楊主簿

天際驚雲逐暮鴉草間行迳折秋蛇眼穿戶牖通羊

角膽落風霆撼虎牙流水柴門思故里春風燕子屬  
誰家碧油幢下談經處夜七飛霜拂劔花

萬里旌旂在眼中千崖寒色待春風愁来自少登臨  
樂亂定誰論戰伐功桂顛天長雲似馬槎灘波淨月  
如弓白頭幕府憂時切此日題詩感慨同

雲亭蕭氏園池雜興次韻四首

日七西園載酒來好花深映洞門開水涵香霧空青  
濕山擁晴雲紫翠堆林迳微風看燕度石橋細雨聽  
鶯回酣歌却望雙峰近落月松聲萬壑哀

竹底雛鶯盡日啼水風涼動小池西麝香眠起殘花

落缺蝶飛來碧草齊二水風鳴湘珮合三山雲壓楚  
鬢低水盤宴客清陰裏次第詩成石上題

小七窓軒溪水頭石門古路轉斜丘野林丹碧風初  
起山橘青黃露未收鳥下平原飛雨夕猿啼孤嶂斷  
雲秋讀書臺近招提境思見當年隱者流

露下庭臯錦樹殘霜融溪路白沙乾浮雲萬壑天光  
暝流水孤村暮色寒有客求魚朝擁棹何人載酒夜  
停鞍風流最好梁園賦擬向山中對雪看

晚集舒氏山樓有戲予不飲者賦此寄懷

近郭青山故滿樓登臨猶及送清秋干時虛擬揚雄

賦對酒真成王粲愁水國冥鴻寒歷七林梢白鷺晚  
悠七謾將強飲醉清賞已覺歸心屈壯遊

三月會宴城南花圃分賦石榴

城南花圃誰頻到幾樹石榴亭子西三月未看花亂  
發藜柯偏愛葉初齊舞裾尚憶佳人醉使節還憐遠  
客迷一色深林烟霧裏黃鶯故意近前啼

題古木幽篁圖

山中古木無春冬根結恠石相盤衝烟雲有時伏玄  
兔風雨盡日吟蒼龍幽篁出澗倚寒玉細草臨坡被  
翠茸不是畫圖當戶見丈人巾屨久相從

同可用文甫孟文昌祖過連氏池亭觀網魚復  
酌丁氏別墅

連家庭榭倚溪陰七月林塘秋意深已覺經時遠眺  
望獨將暇日費追尋尊移別墅黃花近網集寒潭翠  
荇沉今夜酒醒山上月可堪鳴角間清砧

贈天與熊煉師歸閣皂山

閣皂高居好煉真清秋何日下嶙峋金丹夜氣成龍  
虎寶籙玄文動鬼神蘭蕙深懸青組珮芙蓉斜拂紫  
綸巾南歸定隱仙岩側自掃寒雲禮玉宸

送虞管勾還省

城西樓觀賞清秋獨恨當時不共遊吟把芙蓉偏照  
眼坐傾桑落漸忘憂舊家文物青城曲客路風波顛  
水頭此日重逢還惜別幾時隨鴈過南州

奉會康尚忠併留別小春諸友

亂來萍跡渺東西風雨殘年客路泥千里敢希元伯  
友一貧長愧杜陵妻江梅待雪花初亂壠麥含烟葉  
未齊此去林居春事早看雲應是憶春溪

喜水退過南園問勞子與伯仲兼懷水東別業

城隅水落兩瀟渾猶見泥痕上井垣昨日豈無魚入  
市今朝始有客敲門芙蓉別港船初渡篔竹深林榻

謾存禾黍未收沙壠沒無端愁殺水東村

過董正心先輩故居周眎遺址瓦礫蕭然因賦

詩以寓追悼

昔年古屋搃成塵兵後重尋淚滿巾花落短垣猶有  
廟草侵廢址已無鄰雲中詩帙啣青鳥火裏丹經駕  
赤麟董杏已荒諸弟散孤墳何處闕荆榛

西樓晚興

獨上西樓看夕陽遙峰暮色正蒼仁原邊落葉秋風  
早城上歸人古道荒流水只今通漢沔白雲何處望  
荆襄麴醪依舊滄江上笳鼓淒清獨斷腸

訪羅允道值出城晚歸

已出三華離蕊宮還過栗里訪吟翁尋幽獨恨芳春  
暮對酒空懷此日同蒲柳迴塘新雨綠松杉橫閣晚  
霞紅可能城市歸來早猶及酣吟紫翠中

寄曠伯達

謝相園西石迳斜知君習隱暫為家有時出郭行芳  
草長日臨池看落花春去能忘詩共賦客來應是酒  
頻賒五年不見西山色悵望浮雲隱落霞

奉酌會昌唐同知寄詩千文紀乃祖御史遺事

湘城西望邈仙宮華翰飛來麗采虹溝下久拚成棄

斷燹餘誰遣問焦桐經時花落催詩雨何日船開出  
峽風世德遠傳終不泯未應圭壁待雕龔

舟中與葉堯有丘弘道同載和韻一首

秋入天河雨滿津水光山色共清新船頭楊柳參差  
晚木末芙蓉掩冉春又向異鄉尋遠客可緣同載得  
高人似聞下邑喧豺虎猶擬垂綸寂寞濱

感興次劉以和

烟火清明有幾家楚天三日雨黃沙城南鶯燕青春  
暮江上旌旂白日斜征馬蕭蕭七愁積雨客帆隱隱七送  
飛霞絕怜憔悴鄉園裏江海經年眺望賒

龔玉孟極過訪荷山書館不遇之作

王氏才華擅世傳臨濼文物故依然山中夜雪明書  
帙溪上春雲壓釣船深巷烏啼花似雨平原人去草  
如烟荷峰亭館能來數帳望高車落照邊

題劉道士杏林圖

白鶴觀前紅杏林高人習隱契玄心懸壺通市天光  
近采藥亂山雲氣深微雨獨携松下屐清風時動壁  
間琴望中疑是旌陽宅車馬蕭蕭費遠尋

題山水畫

絕壁芙蓉四面開中天積翠鬱崔嵬蒼烟盡捲秋光

去飛雨欲隨雲氣來丹井綠蘿通石穴紫霞碧樹映  
瓊臺那無九節仙人杖直擬尋真絕頂回

題鄧漢英所藏山水圖

白雲杳々冠青山翠石盤々倚碧灣野岫亭臺隨地  
出江沙舟楫幾時還鳥衝烟樹愁孤往猿掛雲蘿學  
金攀最愛桃花流水處尋源亦擬扣林關

寄羅明道

曾過溪南訪草亭絕怜高隱靜儀刑雨沾竹色侵書  
帙雲擁嵐光落座屏松迳曉開岩雪白稻田冬護水  
烟青何由跨犢閒來徃日聽先生講道經

和會萬訥

家住雲亭河水東  
亂來門巷往還空  
避時猶擬尋秦洞  
賦虛懷謁漢宮  
松塢乍晴烏啄雪  
桑林欲暮鳥呼風  
感君晏歲能相碩  
尊酒誰知寂寞同

過糜朝英園居

城東園居隱者家  
五畝十疇連桑麻  
老人自浴丹井藥  
稚子重種青門瓜  
花邊酌酒驚雨過  
湖上吟詩愁日斜  
昔賢高蹈可同調  
莫遣風塵侵鬢華

題芝草圖

五色靈芝見者稀  
畫圖乘七動光輝  
草間白雪明可

撥石上紫雲愁欲飛  
幽人已喜咏伐木  
歸士多勞歌采薇  
湘南三秀思金薦  
漢武齋房今是非

題張彥輔枯木坡岼畫軸

秋宇道人畫枯木  
縱筆所至皆天成  
瘦蛟出石雲氣潤  
獨鶴橫江霜影清  
荆門送客愁欲暮  
澧浦懷人傷遠情  
望中秋意入慘淡  
何處青楓聞鴈聲

送周啓周之贛謁顏都事

贛水層灘障遠波  
送君南上意如何  
畝書曉逐龍光動  
舟楫時衝虎穴過  
此去登樓應作賦  
閒來擊劍謾悲歌  
故人幕府應多暇  
五月清尊映綠荷

題定元帥清江橫槊亭

將軍亭子蔚崢嶸，高壓清江百尺城。  
馬上鐃歌來獻捷，幕中尊俎坐談兵。  
石龍鱗甲眠秋雨，金鳳雲沙照晚晴。  
南望葛峰同峴首，他年遺老記雄名。

晚酌胡守中湖亭同曠達賦二首

楊柳中間一草亭，石橋流水帶迴汀。  
日含細霧明丹閣，雨逐涼風入翠櫺。  
萍底霞翻魚漾鬣，竹間雪墮鶴梳翎。  
樓臺北渚催殘景，烽火西山隱落星。  
公子幽居湖水西，芾籬莎迳踏春泥。  
門前車馬有誰到，池上犁鋤還自携。  
當檻柳枝垂葉短，出畦瓜蔓引

花齊幾時載酒從，栖隱日坐林陰聽鳥啼。

題珠林江口謝公廟與曠伯達同賦

倒石源頭野廟開，亂餘臨眺獨興哀。  
晚山隔岬雲霞出，秋水滿江鳧雁來。  
王氣已消陳帝壘，客愁長遶越王臺。  
烽烟西北猶傳警，擊節酣歌首獨回。

秋日同曠掾史諸友會飲文溪道院時王子啟不果至分韻得深字

夾徑蒼松十丈陰，落花仙館晝沉沉。  
林間風定晚烟白，江上月明秋水深。  
梧葉小窓怜醉卧，芙蓉別院憶行吟。  
南園王子來何晚，遥想吹笙度碧岑。



奉和李府判行善九日遊三華山

仙居遠在三華頂使節真成九日遊別洞幡幢通上  
界亂山烽火隔南州雕弓隱月啼猿晚玉帳連雲斷  
鴈秋聞說岩扉題句後綠霞長護殿西頭

陪虞管勾幼悅坐王子啓南園竹林同賦

王子宅前千箇竹拂簷當戶捲蕭上土垣近出青相  
映池水下通寒不凋上客頻留蒼玉珮佳人時度紫  
瓊簫重尋載酒題詩處記取龍灣第二橋

奉寄劉子琚併柬其兄子綸時築館于山中將  
迎李提舉就居

猶憶當筵說劍歌相思長日把雲蘿黃金白壁亂來  
散綠水青山歸去多行楫屢傳經崦曲飛書終見起  
岩阿殘年二妙何由覲上祿雲深雪滿河

羅明道載酒出江寺與曠伯達痛飲經夕而去  
因共賦詩為別得江字

白髮羅含偏好客衝泥載酒出林砭來尋僧子烟霞  
地醉卧山人雲霧窓薜荔晴沙深晚徑芙蓉踈雨滿  
秋江獨伶此去青峰隔城府何由更識龐

題草堂

胡君舊宅龍江上五月清風一草堂霧隱松蘿分曉

金華先生詩選 卷之六 十五  
陰雨翻蘭杜，浥秋香。連峰當戶明，書幌流水交渠映。  
筆床此日從公趨幕府，能忘高咏向滄浪。

送蕭子所之九江謁劉太守楚奇

嗟子頻年事遠遊，又携書劔謁邦侯。潯陽亂後無公  
館，樵舍新來有客舟。野樹盡含山雨潤，江花初結渚  
雲愁。釣耕得似歸來好，甘竹溪南有故丘。

別淮南帥府戴照磨因使還鄉復赴淮南

丞相提兵闕下來，淮南幕府一時開。從軍王粲應能  
賦，草檄相如獨擅才。萬里關河通駟騎，五雲樓觀接  
蓬萊。鄉山寂寞兵塵裏，愁絕征人奉使回。

承練教授伯上由南岡市出州途中有作寄示  
依韻奉賦

龍州春浪綠逶迤，腸斷行人欲發時。芳草獨當沙際  
出，閑花偏向雨中宜。極知庾信詩能賦，謾笑劉伶酒  
自隨。寂寞珠林舊茅屋，可能維楫赴幽期。

出西郊登山望城中感賦

雙塔金光隱夕陰，孤城寒氣日蕭森。山圍疊嶂黃牛  
聳，水落迴塘白石深。涼日松杉空冉冉，秋風禾黍自  
沉沉。東南千里兵塵合，愁絕春時悵望心。

寄謝同游諸君子

草滿柴門晝不開喜聞維楫故人來江頭送酒穿林  
竹寺裏題詩破石苔斜日鳧鷖寒影亂斷雲鴻鵠暮  
聲哀蕭閒自極登臨興飛蓋南溪莫謾催  
飛蓋南溪莫謾催夜深仍許泛船迴珠林星斗參差  
掛石塔雲霞掩冉開白紵露寒驚蕩槩華燈風細接  
啣盃剡溪寂寞稽山遠留取清名照草萊

送別陳宜歸龍興

豫章城闕倚晴虹公子東歸道路通表裏湖山烽火  
後東西樓觀畫畝中誰家楊柳秋霜落何處芙蓉暮  
雨紅綿帶吳鉤看騰踏臨岐呼酒別青驄

寄鐵柱觀左煉師

紫霞樓上左仙翁還在南塘在玉隆虛閣飛鳧雲影  
外亂山騎虎月明中銅駝荆棘秋風落鐵柱波濤海  
氣通別後玉簫渾少聽令人長憶萬年宮

贈劉以謙

志士長懷物外情喜從三十著才名讀書窮巷螢孤  
照采藥深林鹿共行淮甸小山叢桂晚天台流水落  
花晴秋餘頓豁穿雲眼夜七思君似月明

蕭鵬舉以生雉貺余賦詩畱之

禽類同偏

故人為我致山鷄十里筠籠謝遠携綉尾喜當寒草

見錦毛愁向落花迷仙岩尚憶棲雲石書館應怜踏  
雪泥飲啄未能諳野性題詩先遣報南溪

送杜德明歸豫章

雲白江寒雪未消歸人初發望仙橋船頭凍酒驚浮  
蟻劔底春衣憶解貂湖雨暗沾徐穉榻山雲長隔綵  
鷺簫喜聞仲氏林居好舊隱何時許見招

奉和孫景賢遊韶口永福廢寺

韶口人家幾處存鳥飛日落見孤村梵宮草滿埋銅  
瓦虞廟苔荒合石門流水忽驚秋露冷好山長是晚  
烟昏故交最憶昂村客不獨東偏段與温

元日述懷和龔楊公平

江雲閣雨復纖上急雪飛來忽近簷門掩不知花盡  
落樽空但訝客頻添年光有待愁初破風物無憑俗  
謾占鄰屋春盤初料理新來藜藿故多甜

新年次鍾彥卿

新年舊恨與誰論破屋荒村獨掩門野雪蒼茫迷井  
竈江雲掩冉逐旗幡分來菜本烟初潤落盡梅花雨  
更繁老鴈悲鳴方北向憑高無柰楚天昏

春日書懷次胡中翁

重簾風細雨波寒亂後逢春儘笑惟江渚有烟晴淡

淡卿山無雪翠盤七歌殘白苧銀屏曙舞罷青萍錦  
帶寬西望故園歸路近滿林桃李待君看

賦白鵲臺送王子敬之韻

翠玉樓西白鵲臺當年曾見鵲飛來舊遊寂寞人何  
在晴日蒼涼花正開二水合流喧虎石五山盤伏起  
龍堆殘碑零落層城曲想見題詩上紫苔

齋前山茶盛開承胡申翁王厚德携酒賞之賦

茶字

為惜墻陰一片霞張燈携酒出西家要令清夜酌惟  
賞不遣東風負嘆嗟香霧暗沾千葉翠絲雲低護萬

團花知君不盡尋芳興賦罷宮茶賦粉茶

送王子與赴艾氏書館

曾共南園倒玉壺又從北郭賦驪駒筵前綉句傳鸚  
鵡館下書生說鳳雛江轉麻洲春水澗山浮天玉暮  
雲孤極知江左風流在莫為登臨起嘆吁

送袁煉師胡思齊過南溪併柬蕭孝友

山路初晴故少泥喜聞二客過南溪陰岩騎虎穿雲  
氣錦樹聞鶯駐馬蹄酒熟定從花下飲詩成應向竹  
間題相逢為謝蕭徵士何日西峰得共携

送楊以誠遊青華山謁張天泉

青華遠在青塘曲，子去尋師幾時還。丹井灰沉春水黑，石門花發暮雲間。思親尚覺懷甘旨，學道誰知信苦顏。傳得玄文應自寫，長歌騎虎入深山。

春雨宴鄒氏春雨亭得日字

江臯春寒風雨疾，亭下波洄沙渌出。漁舟獨往定何年，尊酒相逢在茲日。錦鱗衝岸草芽短，黃鳥翻巢樹枝密。龍灣西上好柘間，長憶從君種苓木。

奉荅王希顏秣塘山中寄示之作

鳥啼林館落花深，長談閒居物外心。老去鹿門非舊隱，愁來巴里足新音。鏡中白髮霜初破，帳裏青燈月

共臨寄遠謾勞春興發，何時載酒出山陰。

題蜀口歐陽氏三峰堂

蜀口洲前江水長，三峰西望渺蒼上。清秋雲起蟠金影，白日霞舒吐玉光。華嶽天高森並立，蓬瀛水淺屹相望。醉翁千載環滁意，宜尔承宗興不忘。

送別黎文舉歸萬安山中

亂後逢君鬢已皤，蕭條鄉國柰情何。日光南射椒園嶺，雨色西浮蜀口河。百里謾懷行處遠，三年長恨別時多。桐原舊隱何時到，亦擬從君剪薜蘿。

送常縝之雲亭陳氏館中

蘇林翁先生詩選 卷之六  
曾過江南聽早鶯林間亭館似蓬瀛元方自昔多風  
度公榦于今負隱名楊柳葉齊深巷晚芙蓉花亂碧  
溪晴松醪百甕頻多釀早晚相從醉月明

題朱鍊師貧樂窩

貧樂窩中絕世塵逍遙羽褐故忘貧黃金可煉心常  
懶白雪能歌氣自神一榻清風眠徑竹半鐺明月煮  
溪尊山中舊隱無人到種得桃花萬樹春

畚定上人留觀陂隆福寺寄示二首

城郭歸來思采苓又聞飛錫過江亭水光淨想禪心  
白山色遙瞻佛頂青令節題詩蒲截簡清宵煮茗石

支瓶山房幽賞何由共長恨傷時醉未醒  
路入東鄉多翠岑陂灣猶記昔登臨上人方丈水竹  
淨丞相祠堂烟霧深幾葉玄文遺古梵百年勝地築  
黃金浮雲空切興亡感分芋何由論素心

贈三華山胡法師

三華滴露篆飛符洞府乘龍夜可呼天上雨雲垂白  
晝山中雷電繞清都翻瓢有客應行馬執翻何人更  
舞雩下界豐登功不宰獨騎朱鳳奏笙竽

贈趙推官

淮海東遊記昔年翩七幕府起才賢向人白髮風塵

東照世清名玉雪前燈影夜迴悲舞劍酒香春動惜  
離筵別情歸夢還相似白下門東萬樹烟

快閣僧房夜賞瓶中牡丹賦呈王使君

折得嬌紅馬上歸天香繚亂入春衣玉欄曉露寒初  
破金谷晴雲暖欲飛宴罷最宜燈下見亂餘應恠草  
間稀洛陽池館今何似誰與題詩送落暉